



XALQ DEPUTATLARI VOBKENT TUMANI KENGASHINING Q A R O R I

200300, Vobkent tumani, Imom Buxoriy ko'chasi 55-uy, tel: (65) 33-22-131

2022 - yil 20 - aprel

VI-62-91-2-33-K/22

Vobkent tuman hokimligi

Olis va chekka hududlarda joylashgan yer uchastkasiga mulk huquqi va ijara huquqini auksionga qo'yishda ularning boshlang'ich narxini 50 foizgacha kamaytirish to'g'risida

O'zbekiston Respublikasi Prezidentining 2021 yil 21 apreldagi "Tadbirkorlikni qo'llab-quvvatlash tizimini takomillashtirish, ishbilarmonlik muhitini yanada yaxshilash bo'yicha qo'shimcha chora-tadbirlar to'g'risida"gi PQ-5087-sonli qarorining 4-bandiga ko'ra xalq deputatlari tumanlar va shaharlar Kengashlariga olis va chekka hududlarda joylashgan yer uchastkasiga mulk huquqi va ijara huquqini auksionga qo'yishda ularning boshlang'ich narxini 50 foizgacha kamaytirish vakolati berilgan.

Mazkur qaror talablariga asosan Vobkent tuman hokimligi moliya bo'limi, tuman davlat soliq inspeksiyasi, kadastr agentligi tuman bo'limi va kadastrlar palatasi tuman filialining tavsiyalari hamda fuqarolarning takliflari asosida tumandagi "Qatag'an" mahalla fuqarolar yig'inining tuman markazidan chekka hududda joylashganligi sababli mazkur hududdagi yer uchastkasiga mulk huquqi va ijara huquqini auksionga qo'yishda ularning boshlang'ich narxini 50 foizgacha kamaytirgan holda miqdori ishlab chiqildi.

O'zbekiston Respublikasi Prezidentining 2021 yil 21 apreldagi PQ-5087-sonli qaroriga muvofiq tumandagi 10 ta (*Xayrxush, O'zbakon, Shanba, Rozmoz, Sariosiyo, Shohnigor, Shirin, Teraklik, Qo'qin, Xalach*) mahalla fuqarolar yig'ini hududida qishloq xo'jaligiga mo'ljallanmagan bo'sh turgan yer uchastkasiga mulk huquqi va ijara huquqini auksionga qo'yishda ularning boshlang'ich narxini 50 foizgacha kamaytirish to'g'risidagi Vobkent tumani hokimligi tomonidan tayyorlangan taklifni muhokama etib, xalq deputatlari Vobkent tuman Kengashi

Q A R O R Q I L A D I:

1. O‘zbekiston Respublikasi Prezidentining 2021 yil 21 apreldagi “Tadbirkorlikni qo‘llab-quvvatlash tizimini takomillashtirish, ishbilarmonlik muhitini yanada yaxshilash bo‘yicha qo‘shimcha chora-tadbirlar to‘g‘risida”gi PQ-5087-sonli qarorining 4-bandiga muvofiq tumandagi “Qatag‘an” mahalla fuqarolar yig‘ini hududida qishloq xo‘jaligiga mo‘ljallanmagan bo‘sh turgan yer uchastkasiga mulk huquqi va ijara huquqini auksionga qo‘yishda ularning boshlang‘ich narxini 50 foizgacha kamaytirish to‘g‘risidagi Vobkent tumani hokimligi tomonidan tayyorlangan taklifni 1-ilovaga muvofiq ma’qullansin.

2. Tuman hokimligi axborot xizmati Sh.Sharopov, “Vobkent hayoti” tuman gazetasi tahririyati (O‘.Istatov), Savdo-sanoat palatasi Vobkent tumani tadbirkorlikka ko‘maklashish markazi (V.Kamolova)lar bilan birgalikda mazkur qarorning mazmun-mohiyatini tuman mahalliy ommaviy axborot vositasi hamda ijtimoiy tarmoqlar orqali tadbirkorlik sub’ektlari va aholining keng qatlamlariga yetkazilishi tavsiya etilsin.

3. Mazkur qarorning ijrosini nazorat qilish xalq deputatlari tuman Kengashining Mahalliy budjet, iqtisodiy islohotlarni amalga oshirish, investitsiyalar va tadbirkorlikni rivojlantirish bo‘yicha doimiy komissiyasi zimmasiga yuklatilsin.

Kengash raisi



F.Umarov

Xalq deputatlari Vobkent tuman
Kengashining
2022 yil 20 apreldagi
VI-62-91-2-33-K/22-son qaroriga
1-ilova

**O‘zbekiston Respublikasi Prezidentining 2021 yil 21 apreldagi
“Tadbirkorlikni qo‘llab-quvvatlash tizimini takomillashtirish, ishbilarmonlik
muhitini yanada yaxshilash bo‘yicha qo‘shimcha chora-tadbirlar
to‘g‘risida”gi PQ-5087-sonli qaroriga muvofiq tumandagi 10 ta (*Xayrxush,
O‘zbekon, Shanba, Rozmoz, Sariosiyo, Shohnigor, Shirin, Teraklik, Qo‘qin,
Xalach*) mahalla fuqarolar yig‘ini hududida qishloq xo‘jaligiga
mo‘ljallanmagan bo‘sh turgan yer uchastkasiga mulk huquqi va ijara
huquqini auksionga qo‘yishda ularning boshlang‘ich narxini 50 foizgacha
kamaytirish to‘g‘risidagi Vobkent tumani hokimligi tomonidan tayyorlangan**

TAKLIFI

T/r	Mahalla fuqarolar yig‘inlari nomi	Auksionga qo‘yishda ularning boshlang‘ich narxi	Yer uchastkasiga mulk huquqi va ijara huquqini auksionga qo‘yishda ularning boshlang‘ich narxini 50 foizgacha kamaytirish
1.	Xayrxush MFY	11420000	5710000
2.	O‘zbekon MFY	8045000	4022500
3.	Shanba MFY	8045000	4022500
4.	Rozmoz MFY	11420000	5710000
5.	Sariosiyo MFY	8045000	4022500
6.	Shohnigor MFY	6695000	3347500
7.	Shirin MFY	11420000	5710000
8.	Teraklik MFY	6695000	3347500
9.	Qo‘qin MFY	8045000	4022500
10.	Xalach MFY	6695000	3347500